

# Pitarri Chagdis Nyispa.

## Pitarri chagdis nyispe skor.

I chagdis taŋ sŋunme chostshogssi uskyoŋgun gyudte, ŋadaŋŋa i chagdispo Tsoo Yesu mashike skutshabs Pitarri ɗia dzadkanbo gyus chanog.

Yesu ɗoŋste sotea zhaŋste stiŋne, lo 35 nyekhorla Pitar Rommi gyalpo neroe sadkanbo ŋadaŋgunla gyusinnog. Teboephia chossi khaspagunni i chagdispo Pitarri mitshee stiŋjuggi tussi naŋŋa, halam Yesu ɗoŋste sotea zhaŋste lo 32 ne 35 nyekhorla ɗia dzadkanbo sammanog.

Pitarri khoŋraŋŋi chagdis taŋpo ɗia dzadkanni tenna mirigssi Mashikapagunla, i chagdispoaŋ ɗia dzadte inkanbo khoŋŋi ŋadaŋgunla shadda dzaddug (3:1).

Pitarla khoŋ shices nyemo yodkanbo gyusyodpa, tatpacangunni phia khoŋ shite stiŋneaŋ lussnessi labzhazhig borcesla thaddadpin. Khoŋŋi tatpacangunla i chagdis ɗicessi gyamtshangun ni:-

Taŋpo, tatpacangun dadpe naŋŋa ldante sambacan gyurces.

Nyispa, Mashika logste phebsi tusla i jigsten taŋ dzambuliŋ gunla cuŋcespo hagoces.

Sumpa, Mashika logste skyodcessi lonbo mi chogsne manpa, Konchogne inkanbo hagoces.

Zhipa, shaŋ coste zusme lobpongun, khoŋŋi las taŋ labzha gyudte ŋosheshes.

## Pitarri ju zhus.

### 1:1 ne 2

**1** <sup>1</sup> Na Shimon Pitar, Yesu mashike yogpo taŋ skutshabs in.

De ŋadaŋŋi Konchog taŋ skyabgon Yesu Mashika gunni ɗaŋpo dzadcespoe, ŋazhaa tsogsla tenna rincan tatpa thobkangunla i igebo ɗiad.

<sup>2</sup> Khyozhagunni ɗelbo Konchog taŋ ŋadaŋŋi Tsoo Yesu naŋŋa ldanin cha zane, khyozhagunla thugrje taŋ zhide maŋne maŋŋa thobshig.

## **Dadpe naŋŋa yargyas.**

### **1:3 ne 11**

<sup>3</sup>Ɗadaŋŋi Konchoggi codlammi naŋŋa ɗulin mitshe phudcessi phia, Konchoggi halasshessi sheddi, ɗadaŋgunla gosdom tshaŋma salla dzads. Ɗadaŋgunla te tshaŋma khoŋ sheshespoe thobte innog, khoŋŋi ɗadaŋŋa khoŋraŋŋi zaŋpo taŋ halasshessi spal gyudte, bodda dzads. <sup>4</sup>Tegunni zhaste, khoŋŋi ɗadaŋgunla zhalchad ma chenmo taŋ rincan gun salla dzads. Te zhalchadgunni, ɗadaŋŋa jigstenni naŋŋa yodkanni dodpa ɗanpagunne tharces taŋ, Konchoggi codlammi naŋŋa khagnen cugga dzads.

<sup>5</sup>Konchoggi te tshaŋma coa dzad pasaj, khyozhagunni dadpoe naŋŋaŋ i khyud tshaŋma khyoŋcessi ma stonɗus cosshig. Khyozhe tatpa taŋnyampo codpa zaŋpo, codpa zaŋpo taŋnyampo Konchog thugsthadkangun sheshessi yontan, <sup>6</sup>Konchog thugsthadkangun sheshessi yontan taŋnyampo raŋsems cunnyankan, raŋsems cunnyankan taŋnyampo snyinrus, snyinrus taŋnyampo Konchoggi codlammika ɗulkanni mitshezhig phudnyankan, <sup>7</sup>Konchoggi codlammika ɗulkanni mitshe taŋnyampo spungunla camspa, yaŋ te camspa nyampo tshaŋmala snyinŋi thilne camspa yoŋgoshes innog.

<sup>8</sup>Ta galtes te khyud tshaŋma khyozhe naŋŋa gyasin chadna, teboe khyozhagunni mitshe ɗadaŋgunni Tsoo Yesu Mashika sheshessi naŋŋa maŋŋa ɗasbu sminkan taŋ phanthogscan gyurcugin. <sup>9</sup>Innaŋ tetsogssi khyud medkangun gyalla coste mathoŋkan taŋ zhara tsogs innog. Yaŋ khoe sɗunla coskanni sdigpagun dagcugga dzadkanbo rjedte innog.

<sup>10</sup>Teboephia khyozhaa spun taŋ spunmo gunniaŋ, Konchoggi bodda dzadkan taŋ, ldamma dzadkan gunni ɗone inkanbo, stancesla stonɗus cosshig. Tezug cona, Konchoggi naŋŋa yodkanni dadpe kane khyozhagun mane migyel. <sup>11</sup>Tene ɗadaŋgunni Tsoo Konchog taŋ skyabgon zhugskanni Yesu mashike, thamedpe gyalɗiddi naŋŋa khyozhagunla halasshessi gasus dzadin.

## **Dampe suŋrabsla snaŋŋa coces.**

### **1:12 ne 21**

<sup>12</sup>Teboephia zhan khyozhagunla te labzhagun hagote te denbagunnika stanpo dugste innaŋ, ɗe khyozhagunla i labzhagun tusgyun idtu skulin. <sup>13</sup>Ɗa sontea yodyodpo, tegun idtu skulces ɗe ospa sammarag. <sup>14</sup>Innaŋ ɗa gyogspa i jigstenne

chagoshespo gyusyod, ciazerna n̄adañji Tsoo Yeshu mashike n̄a ibo s̄jon cugga dzads. <sup>15</sup> Na shite stiñneañ, khyozhagunni i labzhagun idtu borcessi phia n̄e stsonḁus coad.

<sup>16</sup> Nazhe n̄adañji Tsoo Yeshu Mashika wañ nyampo yañskyar logste skyodcessi skorgun shad zane, skyonjan ruñsgun macoa, Yeshui zirrijid n̄azharañji migne jalte inpin. <sup>17–18</sup> Konchog yabbi chogsne Mashikaa stsiwa tañ spal salla dzad zane, n̄azhañ khoñ nyampo dampe rika yodpin. Te zirrijidpoe nañña, namkane Konchoggi suñskadpoe, "Ibo ni n̄e cespe butsha in, kho nyampo n̄a maṣante thadpo in" molin n̄azhe tshor.<sup>a</sup>

<sup>19</sup> Teboe zhaste n̄azhagunla luñstonpagunni, Tsoo Yeshui skorla ḁikangunni nañña mañña lokhyel rag. Yañ khyozhagunniyañ tegunnika snañña mañña tañgoshes innog, ciazerna khyozhagunni phia tegun nyima sharshar tshogpala munḁiggi nañña, od ldañshanzhig tsogs innog. Tene khyozhagunni semssi nañña namlañssi skarchen Mashika sharra dzadin. <sup>20</sup> Innañ s̄junla khyozhagunla ibo hagogoshespo khagcan innog. Dampe suñrabssi luñstanni tshigs ciggañ luñstonpazhiggi rañji samba nañzhin Griiste manog. <sup>21</sup> Ciazerna luñstanni tshigs ciggañ mii sambane mayoñña, dampe thugnyid gyudte luñstonpagunni Konchoggi zhaltagun shade innog.

### **Zusme luñstonpa tañ zusme lobpon.**

#### **2:1 ne 22**

**2** <sup>1</sup> Kazug s̄junma Israelli mirgyuddi nañña, zusme luñstonpa mañpozhiḁ yodpin, tenna tsogsla khyozhagunni chostshogssi ṭoañ zusme lobpon mañpo rig thoñin, kagunni sañwe nañña zusme labzhagun tañste thestor chogsla thidin. Yañ rañji sponbo Tsoo mashike khoñgun khoñrañji thaggi rin shalte nyoa dzadkanboañ phañin. Tezug cocespoe, khoñgunni khoñrañgun gyogspa medkan chacespo cuñ cugste innog. <sup>2</sup> Mi mañpozhiḁ tegunni codpa n̄anpe lamgunnika ḁulte, denbe lambo stsismedzhig gyurcugin. <sup>3</sup> Yañ tegunni nabsemssi nañña ruñs cosmagun gyudte, khyozhagunla gobskor tañste phanthogs lenin. Innañ tusyunriñ zhigne tegunla shicessi chadpa phogkanbo, nyekhorla khorin yod. Yañ khoñgun thestor chacespo gor micug.

---

<sup>a</sup>**1:17** ibo ni zhalchad some madthe speche 17:5 tañ Markussi 9:7 tañ luke 9:35 gunni naññañ yodte innog.

<sup>4</sup> Konchoggi sdigpa cokanni phonyagunnañ phudda madzadda, munnaggi tinjabmoi lcagthagga ciñste thimscaddi zhag tshagpa nyalwe nañña phañña dzadte innog. <sup>5</sup> Yañ sñunme mirgyudgunnañ, phudda madzadda, Konchogga majigskangunni phia jigstennika chulog kalla dzads. Innan lam ðanpoe skorla chosshadkan khoñji zhabstogpa, Noa tañ khoe nañmi rdunbo skyobba dzads. <sup>6</sup> Sodom tañ Gamora gyalsa ñanpa nyiskoa Konchoggi shicessi thimscad dzadte mea şagste Gogthalla gyur cugga dzads. Tebo ni yoñcescanni Konchogga majigskanni mirgyudgunnika cuñcespo spezhiggi tshulla salla dzads. <sup>7</sup> Yañ Sodommi gyalse te thimsmemdi migunni lusðel ñanpe codpagunni zhaste, maşante sems skyomo soñte yodkan ðanpo Konchoggi zhabstogpa Lod zerkanbo skyobba dzads. <sup>8</sup> (Te mi ðanpobo tegunni skyilla dugste zhagdañ khoñgunni ñanpa lasgun thoñces tañ tshorcespoe, khoe sems ðanpoboa sdugsñal thoññadpin). <sup>9</sup> Tene kazuggi Konchoggi codlammika ðulkangun tshodltagunne skyobces tañ miñangunla thimscaddi zhag tshogpa chadmedla chadpa kalin borces gun khoñji khyenna dzaddanog. <sup>10</sup> Migsalli wañ yodkangunla stsismed coste lusðel ñanpe dodpe lammika ðulkangunla Konchoggi chadpa salla dzadin.

Tegun rañgyalcan tañ phosocan yoññanog, yañ zirrijdcangunni skorla ñanpa zercesla tshabsa manog. <sup>11</sup> Konchoggi phonyagun wañ tañ stobssi nañña te zusme lobpongunni sañ tagpo yodnañ, Konchoggi dunla khoñgunniañ tegunni gyabgalla ñanpa molla dzadda midug.

<sup>12</sup> Te zusme lobpongun samba matañña las cokanni nagtshogssi semscangun tsogs innog, kagun zumste thestor cocesla skyeste in. Khoñgunla hamagokangunni skorla khoñgunni thelgod taññanog, nagtshogssi semscangun tsogsla tegunnañ thestor chen. <sup>13</sup> Tegunla rañji las ñanpe ðasbu ñanpa thobin. Tegun nyime oddi nañña khoranğunni dodpa ñanpe las cocesla thaddanog, yañ khoñgun khyozhe ðoa dag phogte tshitu cokangun innog. Khyozhaa nyampo Yesu ðoñshespo idtu coin kharji zaa zaneañ, khoranğunni dodpa nañzhin las cocesla thaddanog. <sup>14</sup> Tegunni tusgyun lusðelli phia dodpa coanog, yañ sdigpa macoa mane dugnyanna manog, tatpa stanpo medkangunla sdigpa cocessi tshodlte nañña khyerranog. Khoñgun nabsemssi nañña khaspa yañ rñan phogkanni phorgyud innog. <sup>15</sup> Tegunni lam ðanpo phañste, Beorri butsha luñstonpa Balaammi lam ñanpeka ðulte innog, pene cocessi dodpe, khoa ñanpa cocugste inpin. <sup>16</sup> Innan te zhagga, spera zer misheskanni buñbuan spera tañnyante khoe lasñangunni phia khoa khaskyeste, khoa snyonbe las cocesne gags.

<sup>17</sup> Te zusme lobpongun ni, chu medkanni chumig taŋ, luŋrag tagpoe mamun dedte khyerra tsogs in. Tegunni phia munnag tshaŋmesaŋ tiŋcanbo ldamma dzadte yod.

<sup>18</sup> Tegunni tonmeddi spera taŋin raŋstod taŋŋanog. Nyethubshigraŋ sdigpe mitshe phudcesne shorthubkanni migunla khoŋgunni zugspoe dodpa ŋanpa naŋzhin cocesla, tshodlte naŋŋa taŋdug.

<sup>19</sup> Tegunni zhanmagunla raŋwaŋ taŋcessi khachad corug, innaŋ khoranŋun ŋanpe tsheyog gyurte dug, ciazerna mizhig khoeka waŋsulkanboe tsheyog gyurranog.

<sup>20</sup> Galtes ŋadaŋŋi Tsoo taŋ skyabgon, Yeshu Mashika sheshespoe jigstenni dodpa ŋanpagunne shorthubkangunni yaŋskyar sdigpaa khoranŋunnika thilcugste waŋsulcuggadna, tene tegunni naslugpo sŋunni saŋ maŋŋa thuachen.

<sup>21</sup> Tegunni dampa mitshe phudcessi ka salkanbo hagote stiŋne, gyablog coe saŋ, tegunla daŋpo mitshe phudcessi lambo mane gyus masoŋpinna, gyalla yoddo.

<sup>22</sup> Khoŋgunni phia ta i tamspebo thoddanog, "Khyizhig raŋŋi skyugspa zala logste chanog." Yaŋ "Thuste stiŋne phag ldampalaggi naŋŋa deŋsala logste chanog."<sup>b</sup>

### **Tsoo Yeshu logste phebsnessi skor.**

#### **3:1 ne 16**

**3** <sup>1</sup> Cespe spungun, ibo ŋe khyozhagunla ige nyispabo in. I igegun gyudte samba lagmo taŋ zaŋpo taŋcessi phia khyozhagunni sŋunla lobste yodkanni labzhagun idtu skullad.

<sup>2</sup> Khyozhagunni sŋunme dampe luŋstonpagunni molkanŋun taŋ Yeshui skutshabsgun gyudte, ŋadaŋŋi Tsoo taŋ skyabgon Yeshui, ka salkanŋun idtua borgoshespo ŋe dodpa in.

<sup>3</sup> Tshaŋmesaŋ sŋunla khyozhagunla ibo hagogos, thame tusla sdigpe dodpa naŋzhin raŋŋi mitshe phudin, khyozhe dadpeka thelgod taŋkanni mirig yoŋin.

<sup>4</sup> Khoŋgunni zerin, "Mashika logste skyodcessi zhalchadpo karu soŋ" yaŋ "Dazhe phamespogun shi tsharpane pharla dagsa tshagpa i jigstenni tshirgun, tenna zugga duldug kazug goma jigsten dzad zane yodpin."

<sup>5</sup> Khoŋgunni miŋnaŋ igunla snaŋmed coste innog, taŋpo, tus maŋpozhiŋgi sŋunla Konchoggi ka naŋzhinla namkhabo coa dzadte, sazhibo chui tone philogga phiŋŋa dzadte teboa chui skorcugga dzads.

<sup>6</sup> Nyispa, Konchoggi zhabstogpa Noae tusla Konchoggi ka naŋzhin chuloggi zhaste, tedussi jigstenpagun medkan soŋte inpin.

<sup>7</sup> Tenna Konchoggi ka gyudte, namkhaa taŋ sa nyisko, mee naŋŋa

---

<sup>b</sup>2:22 ibo ni zhalchad snyiŋpe tamspe zerkanni speche 26:11 naŋŋa yodte innog.

şagcesla lusshugga dzadte innog. Yaŋ tegun tetetshogpa thente borra dzadte innog namtshogpa i jigstenni tatpa medkanni migunla, khoŋŋi shags cadte medkan coa midzad.

<sup>8</sup> Innanŋ ŋe cespe spungun, i sperabo mane marjedshig, Tsoo Konchoggi skundunla zhagcigpo ni lo stoŋ cig yaŋ lo stoŋcigpo ni zhagcig taŋ ɗanda innog.

<sup>9</sup> Mi khaciggi Tsoo khoŋraŋ logste phebcessi zhalchadpo, gorte innog samdug, innanŋ ŋospoa khoŋ gorte manog, ciazerna khoŋŋi khyozhagunni phia zodpa dzadte innog. Khoŋŋi suzhiggaŋ medkan coa madzadda, mitshaŋme gyodpa cocessi dodpa dzaddanog. <sup>10</sup> Innanŋ Tsoo Yeshu Mashika logste phebscessi zhagpo ni, saŋwe naŋŋa şkunma tsogsla lebin. Te zhagga namkhe barnaŋbo ma kuco tagpo nyampo medkan chen, yaŋ namkhe naŋŋa yodkan tshaŋma tshad tagpoe zhute chen. Yaŋ sazhika yodkan tshaŋma tshigte medkan chen.

<sup>11-12</sup> Ta galtes i tshaŋma medkan chadna, khyozhagunni mitshebo kazugga phudgos. Konchoggi zhagpoa şuŋte gyogspa lebcugcesla stsonɗus coin, khyozhagunni Konchoggi codlammika ɗulkan taŋ dampa mitshezhig phudgoshes innog. Te zhagga namkhe barnaŋ mea tshigte, yaŋ tenaŋŋa yodkan tshaŋma zhute medkan chen. <sup>13</sup> Innanŋ ŋadaŋgun Konchoggi zhalchad naŋzhinla namkhaa somazhig taŋ sazhi somazhiggi phia, şuŋste dugin, kabo ɗaŋpoe lammika ɗulkangun ni, khaŋpa innog.

<sup>14</sup> Teboephia ŋe cespe spungun, khyozhagun i tshaŋma cuŋcessi phia şuŋste yod zane, khyozharaŋ Konchoggi skundunla stsaŋma, skyonmedkan taŋ zhide nyampo mitshe phudkanzhig stan thubcessi phia ma stsonɗus coshig.

<sup>15</sup> Yaŋ Konchoggi zodsems nyampo ŋadaŋgunla tharpa thobcessi skabs salla dzadkanbo hago goshespo, ma khagcanzhig innog. Dadaŋŋi cespe spun Pauluiŋ, Konchoggi salla dzadkanni shesrabs naŋzhinla, khyozhagunla ɗia dzadte innog.

<sup>16</sup> Khoŋŋi raŋŋi chagɗis tshaŋme naŋŋa, inna tsogssi gorgyangunni skorla ɗia dzadte dug. Khoŋŋi chagɗis khaciggi naŋŋa hagogesla ma kagspo chakanni labzha riggaŋ yodte innog. Yaŋ samba medkan taŋ stanzhi medkanni mi khaciggi, Paului chagɗisgunni tontagpo miŋnaŋ gyurte innog, kazug khoŋgunni zhan dampe suŋrabsgunla coad, kaboe khoranŋunni phia nodskyal khyoŋdug.

**Pitarri stinjuggi labzha.****3:17 ne 18**

<sup>17</sup>Tus lebbi saŋ sŋunla ŋe khyozhagunla spaŋpuddad. Thimsmeddi migunni gobskorri naŋŋa yoŋste khyozharaŋ dadpe naŋŋa stanpo medkan migyurcesla shaŋ coste dugshig. <sup>18</sup>Matshadpe ŋadaŋŋi Tsoo taŋ skyabgon Yeshe mashike thugrje taŋ sheshessi yontanni naŋŋa yargyas coin soŋshig.

Yaŋ khoŋŋa dagsa taŋ tusgyun spal thobshig. Amen.